

Republika e Shqipërisë  
Gjykata Administrative e Shkalles se Pare  
Korçe  
Nr. (623)-00324 regjistri themeltar  
Date 02.09.2015 regjistrimi.



Nr 805-(626) Vendimi  
Date.29.12.2015

**VENDIM**  
**“Ne emër te Republikës”**

Gjykata Administrative e shkalles se pare Korçë, me trup gjykues te përberë prej:

Gjyqtare e vetme: **ETLEVA GJAMO**

Asistuar prej sekretare gjyqësore Viola Palla, ne Gjykatën Administrative te shkalles se Pare Korçë, ne datën 29.12.2015, ora 13:00 mori ne shqyrtim ne seance gjyqësore me dyer te hapura çështjen administrative me nr.(623)-00324 regjistri themeltar, date 15.07.2015 regjistrimi qe i përket palëve:

**PADITES:** Jetnor Ziso, subjekt fizik tregetar, identifikuar me NIPT K44514001A, me adrese Lagja nr 8, “Pazari” Korçe.

**E PADITUR:** Drejtoria Rajonale Tatimore Korce, perfaqesuar me autorizim nga juriste Mirela Veriga.

**OBJEKTI:** Anullimin e aktit administrativ “Njoftim vleresimi per detyrimet tatimore” date 17.03.2015 dhe 22.03.2015.

**BAZA LIGJORE:** Ligji 49/2012, nenet 137, 140, 143 i Kodit te Procedurave Administrative, neni 32/a i Kodit te Procedures Civile, neni 328 i Kodit te Proceduers Civile.

Ne perfundim te gjykimit te zhvilluar ne prani te paleve, paditesi kerkoj pranimin e padise, pala e paditur rezimin e padise.

Gjykata pasi shqyrtoi aktet dhe çështjen ne teresi .

**VEREN:**

Nga aktet bashkangjitur kerkese padise ka rezultuar se paditesi Jetnor Ziso eshte regjistruar si person fizik me NIPT K44514001A, me adrese Lagja nr 8, “Pazari” Korçe.

Ne daten 17.03.2015 nga Drejtoria Rajonale Tatimore Korçe jane nxjere “Njoftim vleresim per detyrimet tatimore”, perkatesisht detyrimi gjobe prrej 10 000 leke per deklarim te vonuar te tatimit ne burim per muajin Janar 2015, ndersa ne datën 22:03.2015 eshte nxjere “Njoftim vleresim per detyrimet tatimore” per detyrimin gjobe ne masën 10 000 leke per deklarim te vonuar te tatimit ne burim per muajin Shkurt 2015.

Pasi ishte vene ne dijeni te ketyre detyrimeve nepermjet verifikimit te faqes se tij "online", paditësi ka paraqitur ankim ne Drejtorine e Apelimit Tatimor prane DPT Tirane, e cila me vendim nr 12 726/2 prot date 15.07.2015 ka refuzuar ankimin per mosplotësim me firme dhe vule te aktit administrativ "Njoftim vlerësimi per detyrimet tatimore" per gjobën e mosdeklarimit te formularit te tatimit ne burim per periudhën Janar -Shkurt 2015.

Ne daten 14.08.2015 paditesi paraqet padi ne Gjykaten Administrative te shkalles se pare Korçe me te cilen kerkon shfuqizimin e 2 "Njoftim vlerësimeve" date 17.03.2015 dhe date 22.03.2015 me aresyetimin se jane nxjere ne kundërshtim me ligjin.

Si ne padi dhe gjate gjykimit paditesi ngre pretendimin se pala e paditur ka vepruar ne kundërshtim me ligjin nr 9920 date 19.05.2008 "Per procedurat tatimore ne Republiken e Shqiperise pasi njoftim vlerësimet per detyrimet tatimore ishin te panenshkuara dhe pa vulën e titullarit te institucionit. Paditesi nuk eshte njoftuar per detyrimet tatimore duke ju shkelur e drejta e tij si individ dhe megjithë paraqitjen e ankimit nga Drejtoria e Apelimit Tatimor nuk ka mare asnjë shkrese me te cilën ti kërkohej plotësimi i ankimit.

Perfaqesuesja e pales se paditur ne gjate gjykimit kerkoi nga gjykata nxjerjen e çeshtjes jashte juridiksionit gjyqesor, me aresyetimin se nuk ka perfunduar rruga administrative e ankimit pasi ankimi nuk eshte shqyrtuar ne themel , kerkese e cila nuk u pranua nga Gjykata( dhe vendimi nuk u ankimua nga pala e paditur) , pasi u provua se paditesi nuk ka mare asnjë njoftim per plotësim te kushtezimeve ligjore per marjen ne shqyrtim te ankimit sipas nenit 106 e e vijues te ligjit 9920 date 19.05.2008 "Per procedurat tatimore ne Republiken e Shqiperise".Ne vendimin e Drejtorise se Apelimit Tatimor citohet se.... me shkresën nr 12 726/1 date 19.05.2015 i eshte kërkuar paditësit plotësimi i ankimit me njoftim vlerësimet te vulosur dhe te nenshkuar nga Drejtori i DRT Korçe, por nje shkrese e tille jo vetëm qe nuk i eshte dërguar subjektit, por gjate gjykimit, me shkresën nr 38047/1 prot date 10.12.2015 Drejtoria e Apelimit Tatimor pranon faktin se ne vendim eshte cituar gabimisht se subjektit i ishte nisur shkresa nr 12 726/1 date 19.05.2015, pasi ne te vertete i eshte nisur shkresa nr 18 305 date 02.06.2015. Edhe kjo shkrese nuk u vërtetua me asnjë akt qe te jete nisur ne adrese te subjektit dhe persa me sipër ne vështirëim edhe te qëndrimin Unifikues te Gjykates se Larte ne vendimin nr 3/2008 vlerësohet se paditesi jo per faj te tij nuk ka ezauruar ankimin administrativ ne perputhje me percaktimet ligjore dhe per kete arsye Gjykata ka juridiksion per gjykimin e mosmarrëveshjes, pasi padia eshte depozituar ne gjykate brenda afatit ligjor 30 ditor nga dita e njoftimit te aktit te organit qe ka shqyrtuar ankimin ne ruge administrative.

Lidhur me aresyet e vendosjes se denimeve me gjobe, perfaqesuesja e pales së paditur prapesoi se me ndryshimet e akteve ligjore dhe nenligjore nga Drejtoria e Pergjithshme e Tatimeve dhe Drejtoria Rajonale Tatimore Korçe jane kryer veprime per pershtatjen e sistemit te informatikes me ndryshimet perkatese , çka nenkupton deklarimin on -line te pergjegjesive tatimore, perfshire edhe tatimin ne burim.

Paditesi eshte penalizuar me gjobe per tatimin ne burim (tatimi i qerases) per muajin janar 2015 , detyrim i cili duhet te permbushej brenda dates 20.02.2015, ndërsa detyrimi per muajin shkurt 2015 duhet te permbushej brenda datës 20.03.2015 e per kete

aresye eshte penalizuar ne zbatim te nenit 113 te ligjit 9920 date 19.05.2008 pasi paditesit këto përgjegjësi tatimore i ka deklaruar ne datën 02.04.2015.

Ne zbatim te nenit 23 te ligjit 9920 date 19.05.2008 , paditesi eshte njoftuar on-line per celjen e pergjegjesive tatimore te tatimit ne burim dhe ne kushtet kur njoftim vleresimet jane hartuar konform ligjit, ato duhet te lihen ne fuqi.

**Gjykata pasi shqyrtoi pretendimet e paditesit ne padi dhe gjate gjykimit , prapesimet e pales se paditur dhe provat e sjella prrej tyre, bazuar ne nenin 16 te Kodit te Procedures Civile dhe 17/2 te ligjit 49/2012 , evidenton rrethanat faktike dhe ligjore si me poshte:**

Ne rastin konkret gjykata çmon se konflikti i parashtruar per zgjidhje rrjedh nga nje procedim administrativ dhe per efekt te verifikimit te bazueshmerise ligjore te pretendimeve te paditesit, perveç ligjit te posaçem nr 9920 date 19.05.2008 “Per procedurat tatimore ne Republiken e Shqiperise( i ndryshuar) ku gjejne rregullim ligjor shkeljet qe i atribohen paditesit, do te referoje edhe ne nenin 118 te Kodit te procedurave Administrative qe i referohet rasteve te pavlefshmerise relative te akteve administrative.

a)Lidhur me “Njoftim vleresimin date 17.03.2015” per denimin me gjobe ne masen 10 000 leke per deklarim te vonuar te tatimit ne burim per muajin Janar 2015 , gjykata mbi pretendimin e paditesit kerkoi prrej pales se paditur informacion zyrtar lidhur me faktin se kur ishte bere e aksesueshme faqja zyrtare per deklarimin online te tatimpaguesit Jetnor Ziso dhe nga dokumentacioni i depozitaur konstatohet se kjo faqe eshte bere e aksesueshme ne daten 23.02.2015 me efekt qe nga data 01.01.2015.

Ne veshtrim te pikes 5.1 te Udhezimit nr 5 date 30.01.2006 te Ministrit te Financave, dale ne zbatim te ligjit 8438 date 28.12.1998 “Per tatimin mbi te ardhurat” qe i referohet “Mbajtjes se tatimit ne burim” parashikohet se :

*Në zbatim të nenit 33 të Ligjit, të gjithë personat, përfshirë personat juridikë, ortakëritë, personat fizikë tregtarë rezidentë tatimorë në Shqipëri, organet e qeverisjes qendrore apo vendore, organizatat jofitimprurëse, dhe çdo ent apo person juridik i krijuar si i tillë në Shqipëri, që bën pagesë të çdonjerës nga llojet e pagesave që listohen në nenin 33, është i detyruar të mbajë tatim në burim dhe ta derdhë atë në organin tatimor përkatës jo më vonë se data 20 e muajit që pason muajin në të cilin është kryer pagesa.*

Ne rastin konkret referuar menyres se pageses se detyrimeve sipas ndryshimeve ligjore vetem ne formen on line, paditesi mbart detyrimin per deklarim si me siper por nje deklarim i tille duhet te mundesohet nga organi ne favor te te cilit derdhet detyrimi dhe nga provat e administruara gjate gjykimit gjykates i rezulton se jo per faj te tatimpaguesit ai nuk ka kryer deklarimin e kesaj pergjegjesie ne daten e caktuar ne udhezim, pasi aksesit i tij ka filluar vetem prrej dates 23.02.2015 dhe paditesi ka bere deklarimin ne daten 02.04.2015.

Pavaresisht faktit se efektet e detyrimeve shtrihen para dates 23.02.2015, faqja e paditesit eshte bere e aksesueshme vetem ne daten 23.02.2015 dhe nuk mund te kete fuqi prapavepruese disponimi i administrates tatimore, pasi tatimpaguesit nuk i eshte krijuar

mundesia per te bere deklarimin brenda periudhës se parashikuar ne ligj 20.02.2015 dhe nuk mund te penalizohet me gjobe per deklarim te vonuar.

b) Lidhur me "Njoftim vleresimin date 22.03.2015" per denimin me gjobe ne masen 10 000 leke per deklarim te vonuar te tatimit ne burim per muajin Shkurt 2015, gjykata vlerëson se dënimi i paditësit me gjobe ne masën 10 000 leke eshte i bazuar ne ligj dhe si i tille duhet te lihet ne fuqi.

Referuar provave te depozituara nga pala e paditur konstatohet se faqja e paditësit ehste bere e aksesueshme qe ne datën 23.02.2015 dhe ne veshtrim te pikes 5.1 te Udhëzimit nr 5 date 30.01.2006 te Ministrit te Financave, dale ne zbatim te ligjit 8438 date 28.12.1998 "Per tatimin mbi te ardhurat" qe i referohet "Mbajtjes se tatimit ne burim" parashikohet se :

*Në zbatim të nenit 33 të Ligjit, të gjithë personat, përfshirë personat juridikë, ortakëritë, personat fizikë tregtarë rezidentë tatimorë në Shqipëri, organet e qeverisjes qendrore apo vendore, organizatat jofitimprurëse, dhe çdo ent apo person juridik i krijuar si i tillë në Shqipëri, që bën pagesë të çdonjerës nga llojet e pagesave që listohen në nenin 33, është i detyruar të mbajë tatim në burim dhe ta derdhë atë në organin tatimor përkatës jo më vonë se data 20 e muajit që pason muajin në të cilin është kryer pagesa.*

Ne rastin konkret referuar menyres se pageses se detyrimeve sipas ndryshimeve ligjore vetem ne formen on line, vlerësohet se per deklarimin e tatimit ne burim per muajin shkurt 2015 pala e paditur e ka mundësuar deklarimin e kesaj përgjegjësie dhe paditesi kishte detyrimin ligjor per deklarimin e saj brenda datës 20.03.2015, nderkohe qe kete deklarim e ka bere ne datën 02.04.2015.

Ne kushtet kur subjekti eshte penalizuar me detyrime gjobe per muajin janar 2015 ne kundërshtim me kriteret ligjore, ka vend qe njoftim vleresimi date 17.03.2015 te shquqizohet si akt relativisht i pavlefshem ne perputhje me percaktimet e nenit 118 te Kodit te Procedurave Administrative, ndersa duhet te vendoset rezimi i padise per shfuqizimin e njoftim vleresimit date 22.03.2015 pasi eshte nxjere ne perputhje me dispozitat ligjore dhe nuk ka cenuar asnje te drejte te ligjshme te paditesit.

Ne veshtrim te nenit 45 germa a) te ligjit 49/2012 ky vendim eshte i paankimueshem pasi sipas kesaj dispozite.... *nuk lejohet ankim ndaj vendimeve perfundimtare te gjykates administrative per padi me objekt kundërshtimin e denimit per kryerjen e kundravajtjeve administrative me vlere me te vogel se 20-fishi i pages minimale ne shkalle vendi.* Ne baze te VKM nr. 573, datë 3.7.2013, "Per percaktimin e pages minimale ne shkalle vendi", duke filluar nga muaji Korrik 2013 e ne vazhdim, paga bazë minimale mujore, për punonjësit në shkallë vendi, eshte 22.000 ( njezet e dy mije ) leke.

Lidhur me shpenzimet gjyqesore te taksës mbi aktet ne shumen 3000 leke , ne veshtrim te nenit 14 te ligjit 49/2012 si dhe nenit 106/1 te Kodit te Procedures Civile ju ngarkohen palëve ne masën ½ secila meqenëse çmohet pranimi i pjesshëm i padisë.

**PER KETO ARESYE**

Gjykata bazuar ne nenin 40-43 dhe 45, a) te ligjit 49/2012

**VENDOSA**

1. Pranimin e pjesshëm te padise se paditesit Jetnor Ziso pale e paditur Drejtoria Rajonale Tatimore Korçe, me objekt "Shfuqizim njoftim vleresime per detyrime tatimore" duke u shfuqizuar:

*-Njoftim vleresimi date 17.03.2015 i DRT Korçe per detyrim tatimor gjobe per deklarim te vonuar te tatimit te ne burim per muajin janar 2015 ne shumen 10 000 lek" si akt ne kundërshtim me ligjin.*

Rezimin e padisë per shfuqizimin e "Njoftim vleresimit date 22.03.2015" per detyrim tatimor gjobe per deklarim te vonuar te tatimit ne burim per muajin shkurt 2015 ne shumen 10 000 leke si te pabazuar ne ligj.

2. Shpenzimet gjyqesore te takses mbi aktet ne shumen 3 000 leke i ngarkohen paleve ne masën ½ secila .
3. Ky vendim eshte perfundimtar dhe kunder tij nuk lejohet ankim.

**U shpall ne Korce date 29.12.2015**

**SEKRETARE**

**Viola Palla**

**GJYQTARE**

**ETLEVA GJAMO**